

Schualpuach 2022-2023

Sono molti i progetti dell'Istituto Cimbro rivolti ai più giovani: il Summar Khindargart, la Zimbar Kolònia, il supporto al Khlummane Lustege Tritt, il doppiaggio di cartoni animati e, ora, anche un diario scolastico.

Verrà infatti distribuito a fine agosto il diario cimbro appena realizzato. Tüsele Mariüsele e l'amico Peatar, i due protagonisti che accompagneranno per l'intero anno scolastico gli alunni cimbri, sveleranno giorno dopo giorno aspetti della vita dell'antico popolo cimbro.

Vürtrang an alta zung azpe da zimbar zung iz hèrt a sberar un vor ditza nia azpe in di lesten djar dar Kulturinstitut Lusérn iz nà vürzotraga prodjekte vor di khlumman. Azpar bölln azta di zung vo Lusérn khemm hèrt sterchar, iz disar dar bege zo macha. Vor ditza dise tang dar Kulturinstitut hatt gevazzt att soin sito a naüga arbat boda bart khemmen auzgètt alln in khlumman zimbarla boda gian ka schual: a schualpuach geschribet lai azpe biar.

Pitt ditza naügez puach, ditza djar, di khlumman zimbarla bartn hám a schualpuach boda redet vo soinard earde.

'Z schualpuach hatt drinn an hauf informatzionen; 'z redet vodar zimbar hoachebene, vo soin laüt, vo soin vichar, vo soin roasan un gréres; 'z soinda o ettlane übung un zboa stördjela, daz sèll von Tüsele Mariüsele un ummaz boda hoazt: Lusérn auz vodar zait. 'Z iz a fumetto boda gedénkt 'z lem von ünsar eltarn vor djardar un boda bill machan vorstian in ünsar djungen ke vodar ünsar zung un kultür mochtma hèrt soin stoltz.

Zo haba 'z schualpuach iz genùmma årüavan in Kulturinstitut Lusérn.

E.v.K.



VENT'ANNI DEL COMITATO ISOLE GERMANOFONE

Zbuantzehk djar von Komitât von taütschan zungmindarhaitn

La nuova opera per il ventennale del Comitato Unitario Isole Germaniche in Italia mostra uno spaccato spettacolare delle peculiarità di queste piccole realtà montane accumulate da una storia unica. Un viaggio dal Piemonte al Friuli, passando naturalmente per il Trentino/Südtirol e per il vicino Veneto. Il libro è disponibile presso il Centro Doc. Luserna.

Ummaz von sachandar boda a mentsch mage tüan zoa nèt zo khemma alt iz soin hèrt kurdjósat. Asò khönsa vil studi au pa hirn. Un lesan an libar un khemmen zo darvéra eppaz naügez geat nà ditza.

A libar bodaz bill konsildjärn zoa zo macha an schümman viazo afti Alpm von Beleschlánt iz dar naüge von Komitât von Taütschan zungmindarhaitn von Beleschlánt boda hoazt "Di taütschan zungmindarhaitn plüenan". Dar libar iz khent geschribet atz belesch un atz taütsch o un bill aulesan, Pitt söttane gântsch schümmane foto o, di stördja vo dise lentar un fölk azpe di Walser von Piemont, vo Gressoney un von Pomattal; di Zimbarn vo Lusérn, vo Slege, vo Lijetzan un von Kansildjö; di bërsntölar; di taütschan von Südtirol un von Kanältal; di stördja von laüt vo

Zahre un vo Tischlbong. 'Z izta o drinn a kapitl pittnan stördjele von prüadar Grimm übarsézt in di zungen vo dise lendar. Ma disar bill nèt lai soin a libar ma a vüuarlibar o boma mage nützan azma hatt in sint zo giana zo visitàra dise schümman lendar boda Pitt soine kulturn un zungen soin azpe di edelweiss. Di roas boda seànka azze lebet afti krötz von pèrng, haltet hert un schauget auz asò schümma ke alle di laüt, segantese, stian offe pinn maul.

Dar Nachtvogl



I fondatori del Comitato



Le Alpi, crocevia di lingue e culture, custodiscono ancor oggi piccole isole linguistiche orgogliose delle loro origini, storia e cultura; proprio per preservare questo patrimonio, esattamente vent'anni fa tutte le isole linguistiche germaniche delle Alpi si sono unite all'interno di un unico Comitato.

An àndar z puach von Zungmindarhaitnkomitât. Pitt disar lesten arbat dar Komitât bill gedénkhan soine earstn zbuantzehk djar. A puach boda redet o von mindarhaitn, odar, no pezzar, di mindarhaitn boda ren vo se

sèlbart in geläch puach. Ja, ombrómm vil vert di zungmindarhaitn gelächanen vil mearar baz daz sèll boma gloabet: sa lem atti pèrng, di lentla soin khlumma Pitt bianca laüt un bobräll di muatarzung iz nà zo giana vorlört. Berda bill abeazzan 'z puach makz tüan gianante attn sito von Komitât www.iseolelinguistiche.it, süchante untar News - Ultime notizie, odar berda bill daz gestemplate puach mage gian in Kulturinstitut Lusérn. Dar Komitât iz gebortet 'z djar 2002, atz 22 un 23 von madjo alle di rapresentént von taütschan zungmindarhaitn soinse gevunet atz Lusérn un soinse gelekk

R.P.

panàndar; in dise zbuantzehk djar soinda khent gemacht mearare püachar, kartin un CD. Arbatn pittnàndar helftz ombrómm ummaz lirnt von àndar un bazma macht an lesten khint zo khosta mindar baz azmaz hettat zo machaz alümma. 'Z izta o zo khöda ke nèt alle di khlumman mindarhaitn khemmen gestützt azpe 'z khint vür in d'ünsar provintz un redjóng un asò dar Komitât hatt gemak helvan in àndarn mindarhaitn o ombrómm di Redjóng Trentino Südtirol hatt hèrt geholft.

An gruaz,
Samuel Pedrazza



Istituto Cimbro | Kulturinstitut Lusérn
Tel. 0464-78.96.45 | info@kil.lusern.it
www.istitutocimbro.it



Di volontàrdje zo putza in balt

Nasce in Italia due anni fa la Onlus Plastic Free con più di 1000 volontari referenti che organizzano eventi per sensibilizzare e pulire attivamente la natura che ci circonda.

Balma geat in balt makma lai provàrn vürzostèllanen bia 'z bartnda soin gest di beldar dise djar: àna raisar danidar, àna imonditzie boda est vülln ünsar natür. Ditza umbrómm di bisan, di èkhar un di beldar soin gest a bichtega sait von lem vor di laüt von pèrg. Di bisan soin gest gehaltet vor 'z höbe, boda iz gest hèrt biane un boma hatt gemocht machan bahémme, in di schümman tang vo höbba. Di èkhar o soin gest biane, tânto ke dar kamòu hatt gehatt gëtt zo zis in Kämp un di laüt soin gânt fin nidar züntrest da Lång Nas zoa zo lega nidar apparéppaz zèzza. Dar balt hatt hèrt gëtt arbat in baibar: holtz vor 'z vaür, sbemm, hennepern un sbartzpern zo giana zo vorkhóava attn merkà, da khlumma un groaz birtschaft von zimbarn baibarn.

Est anvêtez iz allz gânt: di manèkkar nemmen daz groaz gehültz zo vorkhóava un lazzan hintar alle di raisar, alle di burtzan soin abegedekht vo Vaia un stian sèmm zoa zo gedénkha alln bi starch 'z matta soin di natür. Di laüt boda gian in balt djukhan imonditzia ummar bobräll un lai biane gian nà auzonemmase. A khummana schümmana notizia iz ke, vor zboa djar, izta gebortet di Onlus "Plastic Free" boda organizàrt, in gânt Beleschlánt, vil okasiógen zo putza di natür, pitt volontàrdje boda nemmen au di plastika un di imonditzie von beldar, spiagge, auz nà in flüzz un in di statt o. Ditz bart soin a khlummadar tritt àzoheva zo rispetàra di natür un zo tüana alle apparéppaz o zo pezzrare.

Giada von Galèn

'Z spil von bòtsche atz Lusérn

Dopo quello dello scorso anno, anche quest'estate nel periodo di Ferragosto la Pro Loco Vor'z Lánt di Luserna ha organizzato il torneo di bocce dedicato a Sergio Nicolussi Golo. Più di una settimana di partite ogni sera in buona compagnia e tanto divertimento per tutti. Sperando che si possa ripetere ogni anno!

Dòpo in sèll von pasàrate djar, häur o di Pro Loco Vor'z Lánt hatt organizàrt an torneo vo bòtsche atz Lusérn dedikàrt in Sergio Nicolussi Golo, boda hatt augemacht machan in kâmpo, izta hèrt nàgestànt un hatt gehatt a groaza pasiòng vor ditza spil. Dar torneo hatt àgeheft atz 4 von snitt un iz gerift an sàntza 13, pittar finale bodase in gehaltet mórgas di 10.30. Dòpo dar lesten partia alle di spilar von torneo un nèt lai se, hám gëzzt an pjatto pasta un soin gestànt pittnàndar in gânt dòpomittartage zo reda un zo pasàra a schümmana zait, boma nèt vennt hèrt peng dar arbat un alln in sachandarn boma hatt zo tüana. Pròpio vor ditza dar vorsitzar vodar ünsarn Pro Loco, Giuliano Nicolussi Castellan, hatt spiegàrt ke dar torneo vo häur iz nèt khent gemacht lai in di tang nàmp in Ferragosto, azpe bar soin gest gebónt, ma nà dar gântsch boch, asò zo macha vennen di zìspila alln in sèllnen boda hám geböllt un o zo pasàra mearare tang in kompanjia. Di meararstn lusérn bartn però gedénkhan, ke vor zait dar torneo von bòtsche iz khent gemacht alle djar. Asò speràrbar ke disa tradizióng boda haltet panàndar 'z lánt, di djüngarn un di eltarn, di naüng un di altn djeneraziógen, bart khemmen zuargehaltet vor vil djar in di zukunft.

An gruaz,
Samuel Pedrazza